

REGIONAL NEWS UNIT
ALL INDIA RADIO, SILCHAR

MORNING BULLETIN : BENGALI

Date:- 25-05-2017

Time : 07:35-07:40 Hrs

মুখ্যমন্ত্রী সর্বাণন্দ সনোয়ালের নেতৃত্বাধীন ভারতীয় জনতা পার্টির মিত্র জোট সরকারের কার্যকালের গতকাল প্রথম বর্ষপূর্তী পূর্ণ হয়েছে। প্রথম বর্ষপূর্তী উপলক্ষ্যে রাজ্যের জনসাধারণকে শুভেচ্ছা জানিয়েছেন মুখ্যমন্ত্রী সর্বাণন্দ সনোয়াল। গতকাল খানাপাড়ায় সাংবাদিকদের সাথে কথা বলার সময় মুখ্যমন্ত্রী শ্রীসনোয়াল বলেন যে স্বচ্ছতা এবং দায়বদ্ধতা তার সরকারের মূলনীতি। সরকার রাজ্যের সব তদন্তকারী সংস্থাগুলিকে দুর্নীতির বিরুদ্ধে তদন্ত অব্যাহত রাখতে সবধরনের স্বাধীনতা প্রদান করেছে বলে মুখ্যমন্ত্রী জানান। একটি নেসরকারী প্রতিবেদনের উদ্ধৃতি দিয়ে মুখ্যমন্ত্রী বলেন যে রাজ্যে বর্তমান বছরে দুর্নীতি অনেকটা কমেছে। ভারত-বাংলাদেশ সীমান্ত শীঘ্রই সিলকরা হবে বলে উল্লেখ করে মুখ্যমন্ত্রী জানান যে সরকারের তৎপরতায় সীমান্তে অস্ত্র-শস্ত্র এবং গৃহপালিত জন্তুর চোরাচালান আগের তুলনায় অনেকটা হ্রাস পেয়েছে। জাতীয় নাগরিকপঞ্জী উন্নীতকরণের খসড়া চলতি বছরের ৩১শে ডিসেম্বরের মধ্যে প্রকাশ করা হবে বলে মুখ্যমন্ত্রী স্পষ্ট করে দেন। তিনি রাজ্যে বিজেপি জোট সরকারের একসঙ্গে বন্ধুত্বে বাতাবরণে কাজ করছে বলে জানান।

বিশিষ্ট বিজ্ঞানী পদাশ্রী ডঃ জীতেন্দ্র নাথ গোস্বামীকে রাজ্যসরকার বিজ্ঞান এবং প্রযুক্তি বিভাগের বৈজ্ঞানিক উপদেষ্টা হিসেবে নিয়োজিত করেছে। বিভাগীয় মন্ত্রী কেসব মহন্ত এক বিবৃতিতে একথা প্রকাশ করে বলেন যে ডঃ

গোস্বামীর মত আন্তর্জাতিক খ্যাতিসম্পন্ন বৈজ্ঞানিকের প্রত্যক্ষ দিক নির্দেশনায় রাক্যসরকারের বিজ্ঞান এবং প্রযুক্তি বিভাগে কাজ কর্তে নতুন গতি লাভ করবে । উল্লেখ্য ডঃ গোস্বামী এর আগে আহমেদাবাদের ভৌতিক গবেষণাগারের সঞ্চালক পদে অধিষ্ঠিত ছিলেন এবং ভারতের চন্দ্রযান ১ র তিনি প্রধান বৈজ্ঞানিকও ছিলেন ।

শিলচরের জাতীয় প্রযুক্তি প্রতিষ্ঠান এনআইটির পঞ্চাদশ সমাবর্তন আজ অনুষ্ঠিত হবে । এবছর ৫৫০জনকে বিটেক ডিগ্রী ১৮৯জনকে এমটেক, ৪০জনকে এমএসসি, ৪৯জনকে এমবিএ এবং ৩১জনকে পিএইচডি ডিগ্রী প্রদান করা হবে । এছাড়া মেধা তালিকায় থাকা ছাত্র-ছাত্রীদের স্বর্ণ ও রৌপ্য পদক সহ অন্যান্য বিশেষ পুরস্কার প্রদান করা হবে । এবারের সমাবর্তন অনুষ্ঠানে মুম্বাই এর ভাষা আনবিক গবেষণা কেন্দ্র হোমো ভাবা চেয়ারে প্রোফেসার পদ্মশ্রী ডঃ শ্রীকুমার বন্দোপাধ্যায় মুখ্য অতিথি হিসেবে উপস্থিত থেকে সমাবর্তনে ভাষণ দেবেন । এছাড়া তিনি মুম্বাই এর হোমো ভাবা ন্যাশনেল ইনস্টিটিউট এবং শ্রীনগরের কাশ্মীরে কেন্দ্রীয় বিশ্ববিদ্যালয়ের উপাচার্য আনুষ্ঠানে ওরগাও এর কে আর মঙ্গলম বিশ্ববিদ্যালয়ের উপাচার্য প্রোফেসার কে কে আগরওয়াল এতে সম্মানিত অতিথি হিসেবে উপস্থিত থাকবেন ।

শিলচর সহরের পরিকাঠামোগত উন্নয়নের বিষয়ে পর্যালোচনা করতে কাছারের জেলা প্রশাসনের উদ্যোগে গতকাল জেলার বিভিন্ন শিক্ষাপ্রতিষ্ঠানের প্রধান, স্বেচ্ছাসেবী প্রতিষ্ঠানের কর্মকর্তা সহ সরকারী বিভাগের আধিকারিকদের সঙ্গে এক বৈঠকে রাজ্যসরকারের মঞ্জুরীকৃত দুশো কোটি টাকা কোন কোন খাতে এবং কিভাবে পরিকাঠামোগত ক্ষেত্রে উন্নয়নের কাজে ব্যয় করা যায় সে বিষয়ে সভায় পরামর্শ নেওয়া হয়েছে । জেলা উপায়ুক্ত এস.বিশ্বনাথন জানান যে পরিকাঠামো উন্নয়ন কমিটির পরবর্তী বৈঠকে বিশেষজ্ঞদের আরও পরামর্শ

নিয়ে সহরের সার্বিক উন্নয়নের কাজ শুরু করা হবে । গতকালের বৈঠকে অন্যান্যদের মদ্যে জেলা উন্নয়নাধিকারিক মধুমিতা চৌধুরী, দুই অতিরিক্ত উপায়ুক্ত বিসি নাথ ও রণদীপ দাম প্রমুখ উপস্থিত ছিলেন ।

কাছাড় জেলাস্তরীয় আইনী সহায়তা কর্তৃপক্ষের উদ্যোগে গতকাল শিলচর রোটারী ক্লাব ভবনে শিশু ও কিশোর-কিশোরীদের অপরাধমূলক কাজ থেকে বিরত রাখতে শহরের বিশিষ্ট নাগরিক স্বেচ্ছাসেবি সংগঠনের প্রতিনিধিদের নিয়ে জুভিনাইল জাষ্টিস ল শীর্ষক একটি সচেতনতা সভা অনুষ্ঠিত হয়েছে । সভায় জেলা আইন পরিসেবা কর্তৃপক্ষের সচিব তথা বিচারক নিশান্ত গোস্বামী মুখ্য বক্তা হিসেবে উপস্থিত ছিলেন । এছাড়াও অন্যান্যদের মধ্যে আসাম বিশ্ববিদ্যালয়ের অধ্যাপক পার্থপ্রতিম পাল, সোসিয়েল ওয়ার্ক বিভাগের অধ্যাপক শুভব্রত দত্ত ওজয়শ্রী দে রোটারিয়ান এস.বি.দত্ত, দেবনাথ দত্ত সোম প্রমুখ উপস্থিত ছিলেন ।

কলকাতায় পুলিশের গত সোমবার কর্তব্যরত সাংবাদিকদের উপর অত্যাচারের প্রতিবাদে আজ ইয়তম এগেইনষ্ট সোসিয়েল ইভিলস, ইয়াসির উদ্যোগে শিলচরে একটি প্রতিবাদী মিছিলের আয়োজন করা হয়েছে । আজ বিকেল পাঁচটায় ক্ষুদিরাম বসুর মূর্তীর পদশেষ থেকে মোমবাতি নিয়ে মিছিলটি শহরের প্রধান প্রধান সড়ক পরিক্রমা করবে ।

বরাক উপত্যকা বঙ্গ সাহিত্য ও সংস্কৃতি সম্মেলনের শিলচর শহর আঞ্চলিক সমিতির উদ্যোগে আগামীকাল সন্ধ্যা ৬টায় স্থানীয় বঙ্গভবনে নজরুল জয়ন্তী ও সুকান্ত স্মরণ অনুষ্ঠানের আয়োজন করা হয়েছে ।

আসাম বিশ্ববিদ্যালয়ের অধীন স্নাতক ইভেন সেমিষ্টার ২০১৭র এনথ্রপোলজি বিষয়ের পরীক্ষা আগামী ২৯শে মে সকাল ১০টা থেকে অনুষ্ঠিত হবে। আগে ঐ পরীক্ষা ২০শে মে অনুষ্ঠিত হবার কথা ছিল। বিশ্ববিদ্যালয়ের পরীক্ষা নিয়ন্ত্রক সংশ্লিষ্ট সব কলেজের অধ্যক্ষদের পরীক্ষা সংক্রান্ত প্রয়োজনীয় ব্যবস্থা গ্রহণ করার অনুরোধ জানিয়েছেন।

কচুদরম দেশভক্ত ক্লাব পরিচালিত পাইজমানি নকআউট ফুটবল প্রতিযোগীর আজকের খেলায় কালাখাল খাসিয়া পুঞ্জী ক্লাব খেলবে তুতিরগ্রাম ফুটবল দলের বিরুদ্ধে। স্থানীয় রামদুলাল রায় উচ্চতর মাদ্যমিক বিধানলের খেলার মাঠে আয়োজিত গতকালের খেলার সোনাইর মাধব চন্দ্র দাস কলেজ ৩-০ গোলে স্বাধীন বাজার ইলেভেন ব্রাদার্স ক্লাবকে পরাজিত করেছে।

-----সমাপ্ত-----